



滿庭花影畫垂簾鼓罷瑤琴鶴睡甜清絕衙
齋無箇事官箴三字一身兼

孫大登于魯

潘廷鐘蕃次



玉阜盈佳氣欣沾化雨新不因賢令尹那識
好陽春政簡民知樂刑清俗自馴將來課殿
最褒德待

恩綸

趙雲龍御天

旭日當空照不偏
漁樵也頌使君賢
祗緣息事寧人意
衆口成碑不待鐫
春有脚化無邊
羣黎俱是地行仙
從來吏治推關隴
媿美西京好共傳

右調鷓鴣天

張浦博如

疇咨疾苦徧窮簷
終年凍餓徒慙慙
敢望噢咻來給予
只圖長官清且廉
西陲才子吾父母
德行文章無與偶
獨清獨醒人盡知
家聲物望高山斗
分符綰綬泣山城
惟施膏雨潤

疲民烹鮮早試調
羹手製錦齊稱繡
虎人山如圖畫江
如練朝昏倏忽雲
霞變三月俄聞襦
袴謠期年可使黃
金賤吾侯洵屬丈
夫雄積弊煩文掃
欲空循良卓魯猶
難擬眼底紛紛走
下風父老兒童胥
頂祝頂祝神君多
福祿聽來滿耳是
歡聲願附輿人獻
巴曲

徐世濬聖瑞

利器宜盤錯俄看
草偃風士民行鏡
裏胥史立冰中筆
虎推仙令籠紗卜
上公謳歌已滿

唐坊公聲卷一
境會見達

宸聰

王廷燮
汝調

聖朝重吏爲親民得遇賢侯軼等倫歌起袴襦真
叔度種成桃李是安仁虎狼斂跡無狐嘯鴻
雁停聲有雉馴少待
九重資燮理定教大地被陽春

魏我褒鄂著家聲作令東吳載鶴行氣已融
融春萬頃心尤皎皎月三更民風盡荷薰陶

改士行多從獎借成

聖代於今崇吏治即看青瑣待持衡

錢金聲
振玉

鸞鳳威儀五色陳巖封作宰政維新欣逢潘
令桃花雨愛看萊公柏樹春照膽神明驚處
處推心父母感人人

九重指日褒嘉績不獨茆簷頂戴頻

余薇垣
星一

烹鮮手允矣民之父母漢代循良誰與偶應

居卓魯右 父老爭來介壽杖共斟春酒
但願使君紆紫綬金印懸如斗

右調謁
金門

丘金亮 寧文

長白山峩峩鴨江水粼粼山川吐秀氣磅礴
生偉人偉人本世胄一家乘朱輪

帝恩殊隆渥特以報勛臣公具濟川才氣節迴嶙
峴牛刀亦小試巖邑抒經綸盛名溢吳下高
潔莫與倫羣黎樂生業愛公如陽春豪猾心
膽碎畏公如明神琴堂靜無事日與賢士親

鳳有凌雲翼逍遙翔蒼昊驥具千里足騰蹕
超風塵大材豈小用壯志自能申君看雙飛
鳧一朝達

紫宸

陳省 梅麓

爲郎一載布恩波里巷騰聲感戴多獻壽未
斟銀海酒救飢先賜玉山禾當階盡畏羊能
觸越境從知虎不過杜召未堪輕借擬輿人
要續袞衣歌

余起麟 繡符

衢巷欣欣舞更歌祇因吏治勝牂牁六曹案
牘從今少四野桑麻此後多宣化坊邊敷雅
化致和塘畔沐陽和絲綸世掌前徽在仙杖
行看振玉珂

葉汝濟 公夔

欣逢茂宰是神明纔屆期年政已成半郭春
山花影靜一齋秋月鶴聲清辦香處處鐫心
切頌語人人矢志誠此日偏隅資保障即看

朝宁待和羹

李繼膺 龍友

世家人望著西陲經緯宏才試一施指顧間
能裁美錦笑譚頃已理棼絲欲知拔薤鋤蒿
處只在調琴飼鶴時佐理
大廷知易易那容片壤久相羈

夏乾行 兼三

貴品儲圭璧鴻材構棟梁凌煙傳偉業賦日
踵弘章榮戟高韋杜簪纓歷漢唐龍門聲望

重虎榜姓名香載鶴還珠浦飛鳧產玉岡割
雞新刃試製錦錯文襄官舍逢花發公庭任
草長一心勤撫字萬口頌循良廢墜頻修舉
幽潛屢表揚桑麻連郭邑桃李列門墻愛士
栽培急迎賓吐握忙冰壺懸藻鑑玉尺藉裁
量祇遣頑能秀無令弱畏強豚魚胥感格狐
兔盡潛藏膏雨郇侯黍濃陰召伯棠

聖朝公輔器躡足上

明光

張嗣留 松傳

不以催科妨惠政偏於聽訟見仁心春江浩
淼深千尺不及賢侯化澤深

葛洪先 見心

文筆 馬鞍山
峰名 光華燭斗躔欣瞻卽宿照中天稻

梁績掩西門譽釜庾膏洪北海賢鈴閣風高
懸夏鐸琴堂日暖鼓虞絃他時載入循良傳
不數風流更是仙

李邦永

唐城公聲卷一
誰來巖邑念民艱撫字於今遇大賢儘可琴
書消白晝堪將案牘對青天感恩窮子心如
結畏法奸胥足不前召杜芳聲真莫愧頌成
樂只四方傳

顧世苞 詒仕

早聞今茂宰作吏宛如仙楚水歌三異吳山
頌二天質成無滯牘退食有鳴絃會見飛鳧
爲承恩到日邊

秦向春 紹貞

分符百里著循聲冰鑑冰壺澈底清四野桑
麻鷄犬靜一林桃李鳳鸞鳴兒童就塾民風
古父老躋堂治化成奏績

朝端膺特簡

壘書縹緲降山城

支守默 太冲

平江八屬億萬戶崑邑凋敝尤難撫貧民蒿
目無立錐巨猾橫行猶乳虎吾侯遼左勲伐
裔治行文章禮樂古特膺

簡命來視邑噢咻恩勤民是怙政寬政猛用無偏
繭絲保障心獨苦片言擿伏頌如神頑奸惕
息為震股擣蒲戲具投長流拳勇標擊廿伏
斧為苗除莠疾爬搜凡我良民皆安堵屬操
冰霜凜四知衙署蕭然惟二黼為治暮年政
教成風移俗易仁澤溥憶先運使韞石君橫
經絳帳寧遠署先曾大父運使公授經寧遠侯署四載深資贊畫忘分投交契
陳雷劇談經濟時揮塵迄今滄桑過百年何
幸仁賢泣吾宇治本經術守家學侯之先大夫暨諸父行累祀名

宦萬口歡騰稱名杜去思楚地方留蔭玉阜
猶嗟來何暮當今

璽書重牧民願貢風謠入治譜蒼生跂望為霖雨
吾邑幸先有慈父

方 倅 禹吉

政成今日頌時和自是民生樂意多五袴爭
傳留楚地雙歧喜更聽吳歌人如臨鏡庭無
枉吏畏行冰令不苛樊聶遺碑可再紀春風
亭畔好相過

鄴侯仙骨自珊珊暫綰銅章萬姓歡不俟三
年方報政早看吏畏與民安

徐世溶 德裕

張大年 旭齡

盤根仙派盛清時纍纍簪纓奕葉垂鐵嶺雲
凝看毓秀玉山花滿好題詩空庭放鶴隨風
舞子夜調琴待月窺只恐士元非百里

聖朝台鉉預相期

延平雅望冠三吳善政宜民曠代無造士鳩

工崇學舍育嬰分俸長遺孤仁風瑞應中年
麥高節清還合浦珠朞月治成看報最

鸞章遙錫自京都

盛宗傳 經一

鼓柝聲中報兩衙奸胥凜凜靜無譁只因削
牘投刀後膽不能遮但手義
采風先詠閔農篇旱澇頻仍下下田獨倣陽
城催撫意朝來飲水也投錢

陸駿 有聲

崔盧閱閱盡貂蟬隴右家聲奕葉傳製錦早
知能補袞調羹今且試烹鮮冰心朗映三江
月玉阜懽騰萬井烟幸沐春風何以報躋堂
願獻有臺篇

張東發湯孫

玉山稱劇邑況復恒雨暘民貧兼土瘠翹首
需循良我侯世家胄祭戟遙相望弱冠登仕
版聲譽達巖廊分符向七澤遺愛在荆湘吾
儕一何幸福曜臨崑岡恤民如保赤噢咻厘

如傷有時鋤非種不避豪與強寬猛互相濟
不數漢龔黃只愁報最去空歌名伯棠

汪陸衡贊平

聖朝重吏為親民佩印山城有偉人直比無心行
造化真成有脚走陽春從龍附鳳家聲舊說
禮敦詩政治新指日考功書第一
廟廊應待展經綸

葛闕中起韓

為霖作楫

廟廷珍小試花封政績新共凜冰霜三尺法頻施
雨露一城春膠庠盡厠傳經士阡陌常逢讓
畔人卓魯聲名遐邇徧

徵書早晚出

楓宸

李象極

玉山蒼蒼婁水洋洋維公之仁山高水長
鑿井而飲買犢而耕氓之蚩蚩俗化而淳
雖曰催科而兼撫字蒲鞭示辱如保赤子

絃誦盈耳小子有造黌序煥然希聖志道
聖主思賢六計重廉維公報最北斗以南

予也鯁生叨居譜末與有榮施載喜載躍

張汪宏 竹均

崢嶸門第接淮王間氣鍾竒更有光玉笋班
頭才吐豔金鑿殿上句飛香仁聲早紀萊公
柏惠政應留名伯棠本是
大廷調燮手先施雨露到崑岡

陳殿揚 升聞

廬山公集卷一
誦詩喜誦南山篇樂只君子千秋傳惟其存
心在愷悌愛民如子思矜全所以戴之若父
母藹然情誼相纏綿吾侯遼左之鼎族金貂
奕葉絲相續從來列宿應卽官百里何妨駐
驥足曾隨父老謁琴堂光風霽月溫如玉侯
言崑邑方凋殘民貧賦重心爲酸不願繭絲
願保障寸心耿耿軫民艱我聞侯言三太息
福星何幸臨斯邑仁人之言其利溥况復仁
聲早洋溢班班善政不勝書大抵保民如保

赤君不見杜陵石壕行有吏猛如虎又不聞
柳州捕蛇說橫征鮮樂土培克自逞才與能
那恤窮黎多疾苦何如我侯真愛民百計噢
咻非小補所行直與所言符竚聽謳吟騰比
戶鯁生守拙在江鄉幸庇二天喜欲狂樂只
君子今再見願言續賦南山章

朱 威 閒山

河山家世蜚雄聲循良治績追西京福星朗
朗臨鹿城萬人挾纊陽和生士林仰荷栽培

成盈門桃李占文明
呱呱泣者紛孩嬰
征輸設法祛呼庚
門如市也心水清

聖人有道泰階平
萬方玉帛心同傾
吳邦煩劇不可名
神君泣止風俗更
他時借寇多遙情
慢攜琴鶴還

瑶京

張宗昊

天期

凌煙名裔謫仙人
胸涵造化羅星辰
義爲律令凝寒霜
仁爲和煦生陽春
政閒時揖登龍

客旨酒香濃浮琥珀
玉峰晴色遙飛來
綠綺一聲江月白

馬景浩

茂弘

琴鶴相隨到玉山
咨諏疾苦恤民艱
早衙晏罷訟堂閒
共喜城狐潛境外
還看馴雉集林間
黃童白叟共開顏

右調浣溪紗

余 墀丹

文筆峰邊文治洽
惠安鄉畔惠風和
海枯石爛渾閑事
惟有芳名永不磨

陳元模燦辰

褒鄂勲名崔盧門第祭戟傳家簪裾垂系遼
 河鍾秀篤生我侯圭璋特達望重神州烹鮮
 小試涖止崑岡福星煥彩徧照江鄉我侯仁
 政難以縷寫短章數行舉其大者頌侯之清
 兩袖風生冰壺朗朗玉魄晶晶頌侯之廉止
 酌山泉左琴右鶴圖史蕭然頌侯之勤案牘
 紛紜戴星披月屏辟塵分頌侯之慎予智不
 逞撫字催科鎮以寧靜頌侯之明軒鑑含精

妍媸畢照物至形呈頌侯之平如砥如衡太
 虛在抱無拒與迎頌侯之嚴霜肅秋天錚錚
 鐵面狐鼠遠遷頌侯之寬春風解寒蒲鞭示
 警比戶騰歡下里巴吟衢歌竊擬願言質之
 豈弟君子玉山峩峩婁水湯湯我侯仁風山
 高水長

徐有稷嘉穎

歷古循良此日兼魯山誠信史雲廉正宜利
 器逢盤錯絕不師心忽鉅纖霖雨將需施

殿陛仁風暫與扇間闔好依文筆傳碑記後起誰
何試一瞻

葉九儀 敬禮

仙鳧來自白山前競美荀陳孰後先乳抱深
恩周赤子藁裡厚澤徹黃泉
孝村野都能慕聖賢治化已成風俗易公堂
併不設蒲鞭

余廷燦 宸藻

循良傳裏誰堪擬屈指其惟召杜乎欲倩丹

青來作繪繪成百里樂郊圖

周德和 子協

懸符綰綬甫朞年煩劇偏隅荷仔肩葉縣鳧
飛知化鳥武城雞割驗鳴絃四民處處常安
堵三月家家早種田治行已成風俗美薦函
快達

九重天

葉德大 舜屏

隴右名家華國彥毓秀遼陽鐵嶺畔英聲茂

實動皇都小試牛刀臨海甸 崑岡自昔稱
難理寬猛無偏萬姓喜恢恢游刃有餘閒他
年作礪應視此

右調玉樓春

余天章 民安

風翻霜蹄暫息時士民老幼總相宜士歸陶
鑄爭知奮民服廉明孰忍欺老叟嬉游觀治
化幼孤鞠育荷仁慈循良卓異均無忝豈待
他年去後思

王廷然 汝諾

八磚推望重百里沐恩新祇見攜琴鶴還應
兆鳳麟花村厖不警麥隴雉皆馴載道謳歌
起輿情信有真

徐爽 憲濟之

讀史曾聞李仲通廉明共仰隴西公而今也
遇賢侯至京兆休聲千古同

葉延萬 松年

蔚然廊廟器下邑暫淹留夜月聞調鶴春風
早喚鳩不矜鉤距巧務給士民求賢宰真難

觀旋銷部屋愁

顧茂相實

華轂遙臨未一年相逢爭頌使君賢歌騰玉
阜仁聲遠清映婁江政績傳比戶輸將賴有
粟羣胥引退爲無錢只愁枳棘難棲鳳旦晚
徵書下九天

陳碩德亭立

從龍華胄冠公卿恰喜飛鳧泣鹿城犀燭高
懸羣吏戢苞苴嚴絕庶刑平功同文筆人爭

仰俗類桃源自息爭憶昔樊侯遺愛在積薪
應更擅芳聲

仙才自古重青蓮萬丈光芒耀簡編珥筆詞
壇誇振綺分符花縣擬烹鮮庭無私謁看琴
鶴戶絕追呼奏管絃會見循良殊績播姓名
早署

御屏邊

何肇麒苑祥

秦柱高齊玉柱婁江遠注淞江賢令從來多

矣如公却是無雙

余堦雲步

曲奏昇平堂開清畏蕭然退食無兼味光風
霽月近人情小民不覺君侯貴 喜氣霞蒸
懽聲鼎沸暮年已慶雲霓慰若還借寇再經
年應歌河酌民攸暨

右調踏
莎行

呂廷章 德煥

松山嵐翠遼海波澄川原沃衍挺生哲人鸞
刀鼎俎乃烹小鮮不我遐棄百里鳴絃哀此

小民催科寧拙耕九餘三輿情斯悅封疆大
吏胥謂公賢交章入告旦晚鶯遷民則怨咨
公毋奪我借侯三年甦民疾苦

席永勛

才高八斗冠羣英毓秀松山有令名家世珥
貂逾七葉文章華國並三京銜

恩特佩銅符出慕義爭騎竹馬迎雨露隨車沾蔕
屋福星遙指玉山城

鳧舄纔臨政已成每從慈惠見神明風清花

縣河陽績月冷琴堂單父名補衮先期憑製
錦烹鮮小試待調羹盈盈一水瞻新化喜聽
甘棠頌禱聲

葉九淵 希深

鐵嶺傳千葉遼河著九旂蟠根發異種得姓
有來由諸父皆方伯羣昆盡列侯于門先卜
宅殷岍自成洲聚順春燈晏恩榮畫錦遊滿
床增賜笏並駕引鳴騶矯矯紆岐望翩翩管
樂儔五常同萃馬二賈獨稱彪綺歲聆

綸綍鬢年近

冕旒穿楊誇頗牧珥筆列枚鄒絳帳時絃誦青藜
夜校讎卓然佳子弟允矣紹弓裘築室資爲
棟臨川藉作舟無瑕珍白璧兼價重黃鏐夙
擅無雙譽僉推第一流尊空孔北海詩敵杜
荊州製錦曾優學爲禾慣熟耰魚符分

帝寵熊軾布

皇猷蕪水騰輝遠

神京報績休先鞭馳駿馬遊刃解金牛驥足追

風展鶯聲遷木求彼都留召蔭吾土愜輿謀
仰止高山嶽流風速置郵三年功可告朞月
惠先周峰淨攢青黛瀾安潑綠油雙鳧飛葉
縣三異表中牟教孝齊仇覽興廉等郭攸迓
衡常穆穆敷政每優優好以微言察能將積
弊搜九歌勸府事三得克剛柔秉正參張弛
持平戒競絃賦成遵禹貢刑措廢秦鱗明似
堯階草和如虞室球邑巖培保障民病去瘡
疣遍喻金鐘義勤宣木鐸道試才分玉石藏

器辨薰蕕折俗通三典崇文貫九丘禮賢適
子館造士拔其尤矜老頒金帛迎賓肅獻疇
蘋蘩潔錡釜棫樸報薪樵習靜教馴鶴懲凶
禁養鶯躬耕藉鹿野步禱感龍湫儉歲加賙
委荒村施噢咻添犁刀乍賣造耒木新採疾
惡除豪吏鋤奸蔽要囚冰壺清欲澈金鑑影
難度平反多明決文移少逗遛吉光消鬼魅
淑氣化戈矛驅虎山坳靜燃犀水底瀏井疆
欣或友里閑絕相猶游俠休呼采園場罷打

唐州公署卷一
四
毬秋宵鳴杼軸春晝冷韃鞞頰尾蘇清沼哀
鴻返綠疇一屢警燕雀五袴黜蜉蝣跡滅窺
籬犬聲閒呼婦鳩繭絲堆纈縕麥浪富來麩
菽粟求皆與輕肥急可賙賢愚遵大路老弱
起深溝松徑安樵斧蘆汀穩釣鉤珠商曾戴
孟騷客欲依劉匏葉無私渡桃花有好逌催
科馬用紙詰盜不須樓泮水看重鑿廳官喜
再修育嬰全襁褓澤骨慰沉幽開塾人知學
宣條民不偷循環冊屢省訐訟牒常勾警夜

嚴鈴柝輸漕謹豆區竹堪裝彩鷁粟不飮花
蚪仡仡墉垣壯昫昫原隰裒琴堂風習習書
院雨颼颼在沼觀潛鯉穿林狎伏鹿彤幃屏
錦繡翠釜却珍羞展卷評吳畫烹泉試越甌
關迎元宰柳堂植鄭公楸閣靜僧頻宿庭閒
草漸稠監司如手倚開府許心投幕友敦端
亮羣寮善度諏陽春來下邑化日曜南陬但
覺承膏沃無能舉細輶積功超玉阜沛澤潤
清婁名杜堪倫匹龔黃庶比侔滿城栽向日

比戶種忘憂田父全三樂閨人胥莫愁一錢
猶勿取萬鎰未容酬增秩逾常級

書屏最上頭九霄翔彩鳳千里驟華駟柏署垂青
綬蘭臺佩絳鞬補來山甫袞借得子房籌屏
翰依申甫樞機仗富歐千家傾禱祀百里貢
謠謳作誦風如穆裁詩思若抽岡陵歌籍籍
江漢賦悠悠自笑囊中穎翻同海上鷗丹心
曾未獻青目已先留藥籠籠凡草絲羅羅小
鰕散樗都見采敗鼓亦蒙收之子真殊異伊

人願遊竭誠芹欲掇介壽酒初筍短緒縈
方寸高風橫九秋千文頌仁政一字不虛浮

顧需誠

三韓間氣產英豪吳楚循良譽望高久許天
衢騰驥足再煩花縣試牛刀鄴侯功大緣仙
骨太白詩成奪錦袍豈止催科兼撫字鋤強
執法更賢勞

葉

倅

瑞牧

春郊十里杏花紅露零濃徧芳叢村厖無警言

高卧月明中只爲神君多惠政歌比櫛慶崇
墉而今無復賦哀鴻變民風户堪封恩波
湧出薛澱與吳淞惟願

綸音頻晉秩膺節鉞鎮江東

右調江城子

劉存恕道吾

靈雨潤桑麻恩沾十萬家有山真似玉無地
不栽花村鼓喧春社胎禽侍曉衙始知耕鑿
好莫捕柳州蛇

趙兆熊弘望

玉山高婁水清春雨沛鳴倉庾老與幼樂昇
平賴慈父矢精誠視如傷心懸旌邑有隸思
歸畊村無吏犬不驚篝車滿倉箱盈願久留
福蒼生

李緝熙于純

隴西古名郡代產出羣才鳳藻從天賦龍門
爲士聞烹鮮臨百里應宿近三台試上崑岡
聽謳歌徧野來

朱廷植懋安

魏峩百尺龍門峻簪笏傳家仕譜抒忠蓋踈
躩天衢初發軔任伊盤錯能游刃服官誰
似清勤慎革薄從忠百草隨風順法度維新
網紀振玉山也覺添芳潤

右調鵲
踏枝

邵徐應曾士

玉山自古號巖城此日琴堂滿頌聲撫字關
心通

黼座夤緣絕迹快輿情化濡春雨桑麻茂法凜秋
霜鬼蜮驚幾度焚香瞻列宿清輝皎皎徹宵

明

墨綬花迎乍蒞崑風迴甘雨徧江村政敷宓
子農桑董俗挽文翁禮樂尊燭隱直看輝古
鏡烹鮮端欲試盤根羣黎愛戴輸將易敢負
賢侯保赤恩

蔡曾瓏文舟

非關頌禱出私衷邦直由來仕論同豈有故
人思暮謁頻教凍草受春融政平併乏麀裘
謗事簡仍餘鶴氅風下邑何堪羈驥足

天朝柱石待明公

余祖靖

自昔循良傳史冊
葦杖蒲鞭千載思
仁澤誰道古今不相及
喜逢慈父臨斯邑
網開三面情猶惻
舊稅新逋那忍相煎急
慈愛清廉聲譽溢
試看堂上新懸額

右調鳳棲梧

周夢顏 安士

聖朝岳牧聚羣才
半自花封歷試來
今日使君初發軔
郎官星已映三台

鄭茂協

東山遥睇玉山頭
淑氣和風百里浮
共說使君保赤子
頓教樂土勝丹丘
潘花早向崑岡發
郇雨還隨澗水流
便欲移家南浦住
幷幪長此戴賢侯

雷駿發 珍求

躬膺民社重治化
洵如神月映三江
水花開萬樹春
勞心勤夙夜
鞅掌見經綸
更喜精誠格珠還
合浦濱

方登道子政

留犢在淮南牧羊任緱邑緬懷古之人微侯
誰與匹也知枳棘林原非鸞鳳集轉盼向
天衢遠振摩青翼右調生查子

葉在三爾立

皎皎天邊月謾謾嶺上松使君矢介節與此
將毋同四知嚴暮夜兩袖飄清風古人誰媿
美庶幾大小馮

周興遇

南國棠陰憶召公只今雅化遠相同宦聲已
達丹霄上民隱全歸朗鑑中鸞集宮墻徵異
績魚生塵釜播清風花封百里謳吟徧十丈
穹碑紀不窮

徐奕懋深之

花明滿縣草盈庭共仰賢侯是福星禾黍長
時沾雨露萑苻止處畏雷霆躋堂父老偕稱
壽就塾兒童共執經似此臨民真有道謳歌
早已徧郊坰

張弘岌

聲絕哀號月留瘦骨愛民那忍嚴刑罰千秋
佳話說蒲鞭君侯直欲希前哲 獄底生燐
堦前流血惻然念此生嗚咽不知屠伯是何
心却教仁暴天淵別

右調踏莎行

方志道 子符

仙吏來遼左輿情舞更歌公庭人跡少村落
樹陰多治似漢京兆風同晉永和行臺看特
薦青瑣好鳴珂

何允成 大展

瑤光清照古吳中百里熙恬紫氣融父老含
舖依叔度生儒識禮頌文翁千村禾黍沾膏
雨四境絃歌拂惠風本自龍門依北斗雙鳧
行見集

宸楓

周芳 雲芝

萬家歌舞入陽春為遇賢侯布澤均華國文
章殊俗吏匡時經濟果良臣農安田舍耕耘

早士入芹宮禮樂新仰佐太平成
化理無勞天子教親民

余鳴臯庭才

鳩鵲情形黯自憐使君惠愛幸安全
共欽碩望同荀淑不避強宗類董宣
花發河陽紅著雨桑栽建業綠含烟
羔羊介節冰虛譽擬續風人五絨篇

劉石麒孝轅

臨民須仗濟時才人為賢侯歌暮來堂上琴

清雙鶴舞檻前香逗百花生開陽春應律葭灰
動時雨濡膏土脈培有爛明星占列宿光芒
夜夜燭三台

周种世衡

遼海鍾英傑如公洵大賢箕裘傳岳牧簪紱
冠幽燕玉笋班中客金鑾殿上仙

大廷儲補衮下邑試烹鮮物有豚魚化人無暮夜
前兒童知就學少壯力耕田鈴柝停宵警閭
閻穩夜眠禾麻千頃碧桑柘萬家烟廢墜從

容舉經綸次第宣對山如看畫酌水也投錢
頓展舒長日真逢樂利年與人歌父母翹首
望三銓

陳王庭 書宣

一編花萼好家風筆掃千人肘半通他日持
衡青瑣地披誠不讓陸宣公
臨涖東吳試一官家無飢饉戶無寒不爭漢
世循良吏直作羲皇以上看

徐德秩 敘九

吳下推賢宰如公第一人冰壺寒映月瓊樹
淨無塵喬出從龍舊

恩膺製錦新政成心自暇道直俗還淳宓子清名
最魯山雅望真草生稀聽訟琴罷靜垂紳花
鳥風光麗桑麻雨露均玉峰浮瑞靄茆屋滿
陽春拜手歌高義躋堂頌大椿
聖朝崇吏治褒德待持鈞

余純錫 魯眉

散步到村郊路逢諸老叟攜杖共嬉遊掀髯

開笑口一叟含哺言朝來酣卯酒一叟喜欲
狂鼓腹當叩缶一叟隨婦子筐筥餉南畝樂
哉諸黃髮

帝力夫何有那知撫字恩天高并地厚若冰隴西
公此樂能享否

徐在康 子晉

白山素望仰名賢此日分符吏是仙書帶每
隨公案繞蒲鞭空向法堂懸漫誇魯令傳三
異猶笑劉公受一錢指日和羹膺鼎鼐暫煩

下邑試烹鮮

葉均祺 壽承

千里名駒早着鞭
竭來花縣試烹鮮
蕭然琴鶴隨清吏
莞爾絃歌屈大賢
庭撤桁楊流化雨
座談風月挹廉泉
惟懸一榻公餘候
宰室何人暫接毡

徐炎鶴 丹九

高賢生盛世鳳凰同羽儀
高岡試一鳴衆鳥知所趨
千家和氣繞萬井春風吹
田疇處處

彤墀

耕草木俱含滋
毗黎不宿飽
今乃鼓腹嬉
教化由深仁
人人沁心脾
休哉治功成
報最上

錢顧安

範儒

使君才望重
巖廊小試烹
鮮惠梓桑賦
筆不爭唐學士
政聲兼過漢
循良深恩徧
布三冬日清操
常疑六月霜
却笑當年潘
騎省只留花色
傲河陽

王麟煒

蔚臣

曉衙初視篆
治化一何神
頓起溝中瘠
旋回谷裏春
蒼生勞鞠育
白袷荷陶甄
眼底林林者
誰非向化人

葛葉冲

彥升

循良應與古人齊
才子爲郎著隴西
巷陌行來無佩犢
鄉村聽去有鳴鷄
蒙恩每覺婁江淺
感惠猶嫌玉阜低
垣掖清華虛左待
那容片壤久羈栖

鄭元煒

令符

異采丹山威鳳神姿函谷翔龍之官惟載琴
鶴報政將銘鼎鐘人有賣刀賣劍俗無穿屋
穿墉棠陰指即官柏峴首登文筆峰靈雨徧
施澤國福星朗照花封烹鮮暫臨一邑補袞
行歸

九重

王建錫侯

皎皎冰心矢勁操暮夜揮金誰可撓以此愛
人真慈祥以此立政服奸暴蒲鞭日減輸納

多父母孔邇民心和維莫之春治錢鑄籌車
竚聽豐年歌從來史冊工粉飾潘岳栽花亦
奚益惟侯實政本實心栽花那比栽禾麥

陳治箴師贊

馬鞍山勢鬱嵯峨不及賢侯惠愛多課士花
前頻鼓勵勸農桑下屢經過平施寬猛情無
隱利導興除事不磨萬姓瞻依真父母快聽
樂只已興歌

葉均禎泰符

粉榆春社看同樂
虞芮閒田兩不爭
若使郎官皆似此
普天誰不頌昇平

周和

聲名遼左重北海
擅才華政績今循吏
文章古大家揮絃飛
白雪把酒醉流霞
簡易吳民喜爭看
滿縣花

